



Broj: 21-02-19-29-1
Sarajevo, 24.02.2012. godine

Bosna i Hercegovina
Federacija Bosne i Hercegovine
SKUPŠTINA KANTONA SARAJEVO
Služba za skupštinske poslove

n/r Sekretara

Predmet: Odgovor na poslaničko pitanje poslanika Kenana Ademovića;

Poslanik Kenan Ademović na 10. Radnoj sjednici Skupštine Kantona Sarajevo održanoj 28.12.2011. godine u okviru tačke dnevnog reda „Poslanička pitanja, inicijative i odgovori“ postavio slijedeća pitanja:

- Kojim je kupcima i sa kojim pojedinačnim obrazloženjem prolongirano izvršenje obaveza na osnovu kupoprodajnih ugovora potpisanim sa Kantonalnom agencijom za privatizaciju Sarajevo?
- Sa kojim kupcima su potpisani aneksi ugovora, na koji vremenski period i kolika je ukupna vrijednost po tim obavezama i to pojedinačno za svaki potpisani aneks ugovora?
- Koliko je poništeno ugovora o kupoprodaji i zašto se nekima onemogućavalo da potpišu aneks ugovore a nekima nije, molimo pojedinačne izvještaje.

Napomena: Zahtjev Službe za skupštinske poslove zaprimljen u Kantonalnoj agenciji za privatizaciju Sarajevo putem faksa tek 23.02.2012. godine.

Odgovor na poslaničko pitanje:

Kantonalna agencija za privatizaciju Sarajevo je od ukupno 257 kupoprodajnih ugovora za državni kapital preduzeća zaključila ukupno 13 (trinaest) aneksa kupoprodajnih ugovora i to za: „Robno transportni centar“ d.d. Sarajevo, „Uniklima“ d.d. Sarajevo, „Unimont“ d.d. Sarajevo, „Bosanka“ d.d. Sarajevo, „Higijena“ d.d. Sarajevo, „Kamenorezac“ d.o.o. Sarajevo, „Holiday Inn“ d.d. Sarajevo, TP „Marketi“ d.d. Sarajevo, „Magros Export-import“ d.d. Sarajevo, „Magros – Veletrgovina“ d.d. Sarajevo, „Init“ d.d. Sarajevo, „Stupeks“ d.d. Sarajevo i UPI „Simes“ d.o.o. Sarajevo.

Citiranim aneksima kupoprodajnih ugovora nisu mijenjani kvalitativni elementi kupoprodajnih ugovora u pogledu cijene, zapošljavanja, investicija, što znači da vrijednost obaveza nije ni povećavana a ni smanjivana u odnosu na osnovni ugovor. Mijenjani su, odnosno, produžavani rokovi za ispunjenje istih u skladu sa članom 20. Pravilnika o obavljanju kontrole izvršenja obaveza iz kupoprodajnih ugovora u postupku privatizacije u Federaciji Bosne i Hercegovine („Službene novine FBiH“, br. 52/09), kojim je propisano da ukoliko kupac ne izvršava ugovor u ugovorenim



rokovima, zbog više sile ili razloga na koje ne može utjecati, može nadležnoj agenciji uputiti prijedlog za zaključivanje anexa ugovora, uz obrazloženje razloga neizvršavanja obaveza.

Svi zahtjevi dostavljeni u skladu sa naprijed navedenim članom Pravilnika i Obrazloženjem su rezultirali zaključivanjem anexa ugovora u smislu produženja rokova za konačno ispunjenje ugovornih obaveza što je u skladu i sa Zakonom o obligacionim odnosima.

Kupac je obavezan predočiti materijalne dokaze i garancije kako će i u kojem novom roku izvršiti dospjele obaveze što podrazumijeva potpisivanje anexa, tek nakon dostavljenih bankarskih garancija u skladu sa produženim rokovima.

Mišljenje za zaključivanje anexa ugovora daje Upravni odbor Agencije na obrazloženi prijedlog Stručne službe Agencije.

Do sada je Kantonalna agencija za privatizaciju Sarajevo pravomoćno raskinula 7 (sedam) kupoprodajnih ugovora državnog kapitala, a u postupku raskida je još 10 (deset) ugovora.

S poštovanjem,

Prilog:

- Tekst
- Disketa

Pomoćnik direktora

Ermin Alimanović, dipl. ecc.

DIREKTOR

Sead Kamarašević, dipl. ecc.

Dostaviti:

- Skupštini Kantona Sarajevo
- Dnevna novina „Dnevni avaz“, novinar Sežad Muhić
- a/a